

RAPORT

I BASHKIMIT ME PËRTHITHJE TË INTERPOST SHPK NGA POSTA SHQIPTARE SHA

SHOQERIA “POSTA SHQIPTARE” SH.A



“PËR TREGTARËT DHE SHOQËRITË TREGTARE” pika 2: Raporti i bashkimit nga :

• **Z.Majlind Lazimi Administratori i Përgjithshëm i shoqërisë “Posta Shqiptare” Sha**

Bashkimi me përthithje është iniciuar nga aksioneri i vetëm i shoqërisë Posta Shqiptare sh.a, për realizimin e procesit të bashkimit me përthithje të INTERPOSTA sh.p.k nga POSTA SHQIPTARE sh.a.

POSTA SHQIPTARE sh.a, shoqëri anonime me kapital të regjistruar prej 1,642,447,000 lekë, i ndarë në 1.642.447 aksione me vlerë nominale 1,000 lekë/aksion, tërësisht i paguar, me adresë të regjistruar në Rrugën Rreshit Çollaku, nr 4, Tiranë dhe krijuar me vendimin e gjyaktës Tiranë nr. 20718, datë 03.02.1992.

Projekt marrëveshja e bashkimit është hartuar në respektim të plote të Ligjit 9901, datë 14.04.2008 “Për Tregtarët dhe Shoqërite Tregtare”, nenet 215,216-225, ligji 9723 datë 03.05.2007 “Për Qendrën Kombëtare të Regjistrimit.

Me qëllim përmirësimin e performancës ekonomike të Shoqërisë Posta Shqiptare sh.a në përputhje me objektivat e Shoqërisë, për të siguruar ofrimin e një impakti pozitiv në komunitet, me qëllim furnizimin me shërbime sa më të mira të të gjithë klientëve si dhe rritje të marzheve të fitimit, të cilat do të përmirësojnë flukset e parasë dhe rritjen e investimeve në teknologji.

PËRKUFIZIME DHE INTERPRETIME

Në këtë Raport Bashkimi, përveçse kur kuptohet ndryshe ose kur cilësohet ndryshe më tej, fjalet e mëposhtme do të kenë kuptimet e mëposhtme:

“**Raport Bashkimi**” nënkupton këtë Raport Bashkimi

“**Shoqëri Përthithese**” do të thotë shoqëria “POSTA SHQIPTARE” sh.a

“**Shoqëri e Përthithur**” do të thotë shoqëria “INTERPOST” sh.p.k

“**Data e Realizimit Përfundimtar të Bashkimit** ” (**Data Efektive e Bashkimit**) që do të thotë data e miratimit të Projekt-Marrëveshjes nga Aksioneri i Vetëm i shoqërisë Posta Shqiptare dhe Ortaku i Vetëm i shoqërisë Interpost sh.p.k dhe i depozitimit të këtyre dokumentave në Qendrën Kombëtare të Regjistrimit .

“**Data e Bashkimit**” do të thotë data 31/12/2015.

Në lidhje me këtë bashkim të dy shoqërite kanë rënë dakord si më poshtë vijon:

1. BASHKIMI, KËMBIMI I AKSIONEVE

1.1 Në bazë të kushteve të Projekt Marrëveshjes se lidhur, POSTA SHQIPTARE sh.a do të përthithë shoqërinë Interpost sh.p.k në Datën e Realizimit Përfundimtar të Bashkimit (Data Efektive e Bashkimit)



që është data e miratimit të Projekt Marrëveshjes nga Aksioneri i vetëm i shoqërisë Posta Shqiptare dhe Ortaku i vetëm i shoqërisë Interpost sh.p.k dhe i depozitimit të këtyre dokumentave në Qendrën Kombëtare të Regjistrimit.

- 1.2 Interpost sh.p.k do t'i transferojë shoqërisë POSTA SHQIPTARE sh.a tërësinë e elementeve të aktivitetit e të pasivitetit duke përfshirë edhe ato që rezultojnë nga operacionet e kryera gjatë periudhës ushtrimore deri në Datën Efektive të Bashkimit.
- 1.3 Si rezultat i operacionit të Bashkimit, Kapitali aksionar i shoqërisë POSTA SHQIPTARE sh.a në Datën Efektive të Bashkimit mbetet i njëjtë me kapitalin para bashkimit. Kapitali themeltar i shoqërisë Interpost sh.p.k netohet në bilancin e konsoliduar të të dy shoqërive me vlerën e pjesëmarrjes.
- 1.4 Data e Bashkimit është data 31.12.2015 që do të thotë se të gjitha dhe çdo operacion i kryer nga Interpost sh.p.k që nga data 01 Janar 2016 deri në Datën e regjistrimit përfundimtar në Qendrën Kombëtare të Regjistrimit (QKR) do të konsiderohen si të kryera nga POSTA SHQIPTARE sh.a.
- 1.5 Statuti i shoqërisë POSTA SHQIPTARE sh.a, mbas ndryshimeve që mund t'i behen në Objektivin e veprimtarisë do të vazhdojë të jetë edhe Statuti i Shoqërisë Përthithëse.
- 1.6 Anëtarët e Organeve drejtuese të Shoqërisë POSTA SHQIPTARE sh.a në datën e Realizimit Përfundimtar të Bashkimit do të vazhdojnë të jenë anëtarët e organeve të Shoqërisë Përthithëse.
- 1.7 Administrator i shoqërisë Përthithëse do të jetë Z.Majlind Lazimi i cili do të ushtrojë kompetencat e administrimit të shoqërisë së bashkuar sipas ligjit dhe statutit të shoqërisë.

2. AKTIVET DHE DETYRIMET E PARASHIKUARA PËR TU TRANSFERUAR

Në kuadrin e këtij operacioni bashkimi parashikohet që Interpost sh.p.k t'i transferojë shoqërisë Posta Shqiptare sh.a tërësinë e elementeve të aktivitetit e të pasivitetit gjendje më datë 31.12.2015.

3. MODALITETET

Shoqëria "Posta Shqiptare" sh.a do të jetë zotëruese e të gjitha aktiveve dhe pasiveve të shoqërisë Interpost sh.p.k në datën e bashkimit.

Shoqëria "Posta Shqiptare" sh.a në datën e Realizimit Përfundimtar të Bashkimit do të zotërojë të gjitha të drejtat dhe detyrimet, licencat e zotëruara nga Interpost sh.p.k në këtë datë.

Punonjësit e shoqërisë Interpost sh.p.k do të përfshihen mbas datës së bashkimit si punonjës tek Posta Shqiptare sha.

4. DATA KONTABELË



Në aspektin e kontabilitetit të gjitha operacionet e veprimtarisë të kryera prej shoqërisë Interpost sh.p.k nga data 1 Janar 2016 deri në datën e regjistrimit përfundimtar të procesit të bashkimit pranë QKR-së, datë në të cilin do të ndodhi çregjistrimi pa likuidim i shoqërisë Interpost shpk, do të konsiderohen si të kryera nga shoqëria përthithese “Posta Shqiptare” sh.a dhe regjistrimet kontabël përkatëse do të merren në librat e saj.

Duke qënë se data mbi të cilën do të bëhet bashkimi është data 31 Dhjetor 2015 bilanci përfundimtar i përthithjes do të jetë bilanci i të dy shoqërive i datës 31.12.2015.

5. DATA E PËRGATITJES (HARTIMIT) TË LLOGARIVE

Llogaritë që janë përdorur për të përcaktuar kushtet financiare të bashkimit për këtë projekt bashkimi me përthithje, janë hartuar duke j’u referuar datës 01.01.2015, si për shoqërinë përthithëse ashtu edhe për shoqërinë e përthithur. Ndërkohë që për hartimin e marrëveshjes përfundimtare të bashkimit me përthithje llogaritë dhe kushtet financiare të bashkimit do të përcaktohen nga bilanci kontabël i datës 31.12.2015.

6. RAPORTET E KËMBIMIT

Duke konsideruar që Interpost shpk zotërohet 100% nga Posta Shqiptare sh.a, nuk ka raporte të këmbimit të kapitalit.

7. SHUMA E PARASHIKUAR E PRIMIT TË BASHKIMIT

Nga operacioni i mësipërm nuk do të rezultojë prim nga bashkimi.

8. TË DREJTA DHE AVANTAZHE TË VEÇANTA

Ky operacion bashkimi nuk do të përmbajë as të drejta dhe as ndonjë avantazh të veçantë.

9. PREMTIME DERI NË MBYLLJE

Deri në datën e mbylljes, Palët duhet që:

- a) të ndërmarrin të gjitha veprimet e nevojshme për të miratuar dhe autorizuar këtë Raport si dhe dokumentat e tjera në lidhje me to.
- b) Të njoftoj Bankën e Shqipërisë në lidhje me operacionin e bashkimit që po kryen.
- c) të ndërmarrin çdo veprim për depozitim të të gjitha dokumentave në Qendrën Kombëtare të Regjistrimit.

10. MBYLLJA E OPERACIONIT



10.1. Mbyllja e operacionit të Bashkimit do të bëhet në selinë e shoqërisë POSTA SHQIPTARE sh.a në adresën: Rruga Rreshit Çollaku, nr 4, Adresa sekondare e ushtrimit të aktivitetit në "Terminal Center" Kthesa e Kamzes, Kati i dytë, Tiranë; sa më shpejt të jetë e mundur.

10.2. Në mbyllje, ose para saj palët duhet të kenë bërë të mundur realizimin dhe dorezimin e dokumentave të mëposhtme:

- a) Të gjithë vendimeve të Keshillave Mbikqyrës në lidhje me këtë operacion.
- b) Njoftimet përkatëse në zyrat e taksave në lidhje me operacionin e mësipërm.
- c) Kalimin e punonjësve nga Shoqëria e Përthithur në shoqërinë përthithëse.

11. DEKLARIMET DHE GARANCITË

Deklarimet dhe Garancitë e POSTA SHQIPTARE sh.a:

- POSTA SHQIPTARE sh.a dhe përfaqesuesi i saj ka të gjithë fuqinë dhe autoritetin e kërkuar për të kryer këtë Raport Bashkimi dhe çdo dokument tjetër që duhet kryer në përputhje me këtë të fundit.
- POSTA SHQIPTARE sh.a nuk është në një proces falimentimi (apo procese të tjera të ngjashme), në shkrimje ose në proces likuidimi.

12. KONFIDENCIALITETI

Palët do të trajtojnë në mënyrë konfidenciale të gjitha informacionet e marra dhe të përfuara si rezultat i nisjes dhe përmbushjes së këtij Raporti Bashkimi, të cilat kanë lidhje me negociatat, përmbushjen dhe mbylljen e kësaj Marrëveshje ose të çdo dokumenti që referohet nga kjo marrëveshje.

Palët mund t'i japin informacion një pale të tretë, i cili mund të konsiderohet konfidencial nëse:

- a) Kërkohet nga ligji ose me qëllim të ndonjë procedure ligjore
- b) Kërkohet nga ndonjë institucion qeveritar
- c) Me miratimin parapark me shkrim të palës tjetër.

13. MBROJTJA E KREDITORËVE

Shoqëria përthithëse merr përsiper sipas ligjit të bëhet pasardhëse e shoqërisë së përthithur në marrëdhënie me të tretet, duke garantuar në këtë mënyrë kreditorët e shoqërisë së përthithur ti kundrejtjnë pretendimet e tyre ndaj shoqërisë përthithëse.

14. LIGJI I ZBATUESHËM

Ky Raport Bashkimi rregullohet në të gjitha aspektet nga ligjet në fuqi në Republikën e Shqipërisë.



15. TË NDRYSHME

Ky raport i shoqërisë mbi procedurat e bashkimit me përthithje të shoqërive u hartua nga administratori i shoqërisë, sipas ligjit dhe do të depozitohet së bashku me projekt marrëveshjen e bashkimit me përthithje pranë Qendrës Kombëtare të Regjistrimit.

Shoqëria "POSTA SHQIPTARE" SH.A


z. Majlind Lazimi
Administrator

